

Kreis
Varendorf

S. 158

1296. D. I.

Genannte Bischöfe verleihen dem Kloster Vinnenberg einen Ablass.

Universis sancte matris ecclesie filiis, ad quos presentes littere pervenerint, nos misericordie divina Bonaventura archiepiscopus Ragusinus (Ragusa), Perronus Larinensis (Larino), Aymardus Lucerie (Lucera), Ciprianus Bovensis (Bova), Ferranus Lodinensis (?), Petrus Stagni (Stagno) et Cursule (Cursola), Lambertus Veglensis (Veglia), Hubertus Feretranus (Montefeltro), Basilius Samnensis (?), Jacobus Treventinus (Triento), Pasqualis Cassanensis (Cassano), Andreas Liddensis (Lydda), . . . episcopi salutem in Domino sempiternam. Gloriosus Deus in sanctis suis, in ipsum (!) glorificatione congaudent angeli, in veneratione beate et gloriose semper virginis Marie eo iocundius delectatur, quo ipsa utpote mater eius effecta meruerit alcius ceteris sanctis in celestibus collocari. Cupientes igitur, ut monasterium sanctarum monialium ordinis s. Benedicti in Vinnenberch Monasteriensis diocesis congruis honoribus frequentetur et a cunctis Christi fidelibus iugiter veneretur, omnibus vere penitentibus et confessis, qui ad predictum monasterium causa devocionis seu peregrinacionis in festivitibus subscriptis videlicet: Nativitatis Domini, Resurreccionis, Epiphanie, Ascensionis et Pentecostes; in singulis festis gloriose semperque virginis Marie, in festis beatorum Petri, Pauli et omnium aliorum apostolorum, beatorum Johannis baptiste, Laurentii, Nicolay et Martini, beati Michaelis archangeli et in festo Omnium sanctorum, in festis beatorum Marie Magdalene, Katerine et Margarite, in die patroni et in dedicacione prefati monasterii et per octavas predictarum festivitatum octavas habentium accesserint et ibidem divinum officium seu verbum exortacionis in festivitibus superscriptis devote audierint vel qui predicti monasterii fabricae, luminariis, libris, vestimentis, altarum ornamentis seu aliis necessariis manus porrexerint adiutrices vel quicquam facultatum suarum in ex-

tremis laborantes legaverint, donaverint, miserint eidem monasterio seu procuraverint vel aliquales oblaciones a bonis sibi a Deo collatis quocumque tempore contulerint sive miserint necnon qui prefatas sanctas moniales vitam gerentes salutarem per pias elemosinas et grata caritatis subsidia spiritu humilitatis et misericordie visitaverint, nos de omnipotentis Dei misericordia beatorum Petri et Pauli apostolorum eius auctoritate confisi singuli nostrum singulas dierum quadragenas de iniunctis sibi penitentis, dummodo consensus diocesani ad id accesserit, misericorditer in Domino relaxamus. In cuius rei testimonium presenti scripto sigilla nostra duximus apponenda. Datum Anagine anno Domini M^oCC^o nonagesimo VI^o, pontificatus domini Bonifacii pape VIII anno secundo. Nos autem Everhardus eadem misericordie Monasteriensis episcopus, cum nostrum assensum exigit qualitas premissorum, hanc indulgenciam et omnia premissa et singula rata tenemus et grata et

158